

# Bekende VS-sakeman en stigter van voerkraal sterf

■ DIRK KOK

MNR. DIRK VAN REENEN (77) van Marquard, een van die Vrystaat se grootste en suksesvolste sakemanne, is oorlede.

Van Reenen, stigter en direkteur van die multimiljoenrand-voerkraal en vleisverspreider Sparta Beef, is Saterdagoggend in sy een dogter, Estelle, se huis in Umhlanga, KwaZulu-Natal, dood. Hy het aan longfibrose gely.

Die begrafnis is Vrydag om 11:00 op die familieplaas Middel, Marquard.

Van Reenen, 'n boorling van Marquard met 'n B.Com.-graad van die Universiteit van Durban, het in 1966 met die vetmaak van 30 osse by Marquard begin. Só het sy Sparta-groep begin.

Hy het dit uitgebrei tot 'n multimiljoenrand-sakeonderneming met 'n voerkraal by Marquard, 'n slagplaas in Welkom en 'n groot-handel-vleisverspreider in Gauteng. Dit is ook in vennootskap met 'n leerlooierij in die Oos-Kaap.

Vandag staan daar elke dag ge-



MNR. DIRK VAN REENEN

middeld 40 000 beeste in die voerkraal en word Sparta se vleis oor die land heen versprei. Altesaam 12 000 beeste word per maand afge- rond en verkoop.

In die Vrystaat alleen verskaf die groep aan 1 000 mense werk. Dit is

nie net een van die grootste werk- verskaffers in die provinsie nie, maar skep ook onregstreeks baie werkgeleenthede. Die groep help ook met die opleiding van talent- volle jong mense en opkomende boere.

Van Reenen is in Maart op 'n spoggeleentheid in die Marquard- stadsaal deur familie, werkne- mers, betrokkenes in die voer- kraalbedryf en politici vereer vir sy lewe, werk en die verbetering van ander se lewe.

Mense wat hom geken het, sê hy was 'n regverdige, nederige en 'n reguit man en 'n pionier van die voerkraalbedryf in Suid-Afrika en die wêreld.

Van Reenen word oorleef deur sy vrou, Bettie, 'n seun, Lou, drie dogters, me. Estelle van Reenen, me. Lynette van Reenen en mev. Erika Kok, en vyftien kleinkin- ders.

Lou is voorsitter van die Sparta- groep, Estelle is uitvoerende hoof van Sparta, Lynette is 'n direkteur en hul suster, Erika, is 'n sakevrou op Stellenbosch.

IN Maart is mnr. Dirk van Reenen op 'n spoggeleentheid op Marquard vereer. Die volgen- de is oor hom gesê:

Mr. Mbothoma Maduna, burg- gemeester van Setsoto: "Hy verdien lof vir sy enorme beleg- ging in Marquard, die provin- sie en die land."

Me. Mathokoana Mopeli, kon- ingin van die Bakoena-stam in Qwaqwa en speaker van die distriksmunisipaliteit Thabo Mofutsanyana: "Dirk van Reenen het die weg vir baie ander gebaan, terwyl ander sakelui hul ondernemings uit die Vry- staat geskuif het."

Mev. Mamiki Qhabate, Vry- staate LUR vir landbou: "Ek bring as swart vrou hulde aan 'n wit man met 'n goeie hart en 'n man wat nie kleur sien nie. Dit is belangrik dat swart en wit na mekaar uitreik en me- kaar bystaan. Hierdie onderne- ming het deur die jare 'n bete- kenisvolle rol in mense se lewe gespeel. Ons het baie meer Dirk van Reenens nodig."

Mnr. Dave Ford, uitvoerende direkteur van die SA Voer- kraalvereniging, en Piet de Wet, vriend en sakevennoot van Van Reenen: "Hy was 'n pionier van die voerkraalbe- dryf in Suid-Afrika en in die wêreld."